

四庫全書

子部

# 欽定四庫全書

子部

記纂淵海卷四十六

詳校官中書臣涂日煥

主事臣祁韻士覆勘

總校官降調編修臣倉聖脉

校對官中書臣王允中

謄錄監生臣陳炳

欽定四庫全書

記纂淵海卷四十六

宋 潘自牧 撰

性行部

爭鬪

經囂訟可乎 不和政庖 相為敵讐書受爵不讓至

於已斯已詩

子惡聲至必反之孟子今有鬪何哉我甚醜之 爭飲食

無廉恥不知是非不避死傷不畏衆強忤忤惟利飲食

之見是狗彘也

荀子

有國於蝸之左角者曰觸氏有國於

蝸之右角者曰蠻氏時相與爭地而戰伏尸數萬逐北

旬有五日而後反

莊子

史趙奢曰兩鼠鬪於穴中將勇者勝

通鑑周紀

君子稱其功

以加小人小人伐其技以馮君子是以上下無禮亂虐

並生由爭善也

左襄十年

晏子曰凡有血氣必有爭心

左昭

十年不心競而力爭

左傳

自含血戴角之獸見犯則校而況

於人懷好惡喜怒之氣

史記律書

譬如賈豎女子爭言何其

無大體也武安侯曰爭時急不知出此

史記灌夫傳

爭者事

之末也

史越世家

相與摩牙而爭之

西漢揚雄傳

傳記鬪者忘其身者也忘其親者也忘其君者也行須  
臾之怒而鬪終身之禍是忘其身也家室離散親戚被  
戮是忘其親也犯刑法之大禁是忘其君也凡鬪者皆  
以已為是而以他人為非

說苑

集力大者搏齒利者嚙爪剛者決

柳子厚貞符五入勢利相軋

本朝投骨於地狷然而爭者犬之常也

泉老

好勝

附強梁

經子貢曰我不欲人之加諸我也

論語

子強梁者不得其死好勝者必遇其敵

家語

無辭讓之心

非人也

孟子

小人致亂而惡人之非已也致不肖而欲人

之賢已也心如虎狼行如禽獸而又恐人之賤已也

荀子

史子哲好在上

左襄十年

子玉曰非敢必有功也願以問

執讒慝之口

左僖二十八年

季郈之雞鬪季氏介其雞郈氏為

之金距平子怒

左昭二十五年

為守視都尉如令為都

互入兩不相下

尉必陵太守辱之治

史記周陽由傳

甯成為小吏必陵其長為

人上者上操下如東濕薪

史記本傳

蘭相如位在廉頗右頗

曰吾羞不忍為之下我見相如必辱之

本傳

田蚡辭不能

滿觴灌夫怒

西漢

桓範持節都督青徐與徐州刺史鄒岐

爭屋欲斬岐坐免復為兗州刺史屬鎮北將軍呂昭範

與妻曰我寧作諸卿向三公長屈耳不能為呂屈也妻

曰君前欲斬徐州衆人謂君難為作下今復羞為呂屈

是復難為作上

魏志曹爽傳

樊世本氏豪佐秦王健定關中

謂猛曰吾輩耕之君食之耳猛曰非徒使君耕之又將

使君炊之

通鑑晉哀紀

劉琨曰吾枕戈待旦志梟逆虜常恐

祖生先吾著鞭耳

晉書互見高氣趨事赴功

齊高德政恒以精神凌

逼人

通鑑陳高祖

王彬謂王敦曰卿昔歲殺兄今又欲殺弟

耶

本傳

傳記杜預書告兒古諺有書借人為可嗤借書送還亦

可嗤

殷芸小說

集譖下慢上恒其心術

柳罵尸蟲



本朝王荆公在臺閣侍從時每言唐宰相令諫官隨宰相入閣最切於政道後世所當行也及入司政事而孫莘老李公擇在諫職二人者熟荆公此論遂列奏請舉行之荆公不可曰是又益兩參知政事也

呂氏家塾記  
互入私意

### 溫粹

經言念君子溫其如玉 溫溫恭人維德之基

詩 即之

也溫

論語

史溫顏和辭承上接下無所失意

韓王信傳  
互入和易

向寵性行

淑均

諸葛亮出師表

何充為劉惔所貴每云見次道飲令人欲

傾家釀言其能溫克也

晉書

王景文情度淹粹

宋秦始起居注

集夷雅之體無待韋絃

王文憲集序互入不待矯揉

白璧無瑕玷

孟浩

然

狠戾

經方命圮族

注言鯀性狠戾

厥心疾狠不克畏死

書

勇而無禮

則亂

論語

史富辰曰心不則德義之經為頑口不道忠信之言為

嚚

左傳二十四年

不可教訓不知話言告之則頑舍之則嚚傲

很明德以亂天常謂之樛杌

左文十八

智伯曰難將由我我

不為難誰敢興之

通鑑周紀

天為剛德猶不干時況在人乎

左文五年

熊虎之狀豺狼之聲

左宣四年

狼子野心

左昭二十七年膠西

王為人賊盭

言其性賊害而狼戾西漢膠西王傳

貌狼自將

王莽傳

狼如羊

項羽傳

灌夫曰今日斬頭穴胷何識程李

本傳

用氣自行多

所陵折

馬援傳

羊聃以很戾為瑣伯

晉傳

傳記苻生麤暴無賴祖洪甚惡之生無一目年七歲洪

戲之問侍者曰吾聞瞎兒一淚信乎侍者曰然生怒引

佩刀自刺出血曰此亦一淚也

崔洪十六國春秋

本朝睥目知誰嗔瞞腹空自脹

東坡詩

和易

經從容以和

書

戴色戴笑匪怒伊教

輯柔爾顏

詩

君

子和而不流

中庸

夫敬以和何事不行

禮記

子冉雍使其臣如借

家語

和者大同於物物無得傷闕者

游金石蹈水火皆可也

列子

薰然慈仁謂之君子

無責

於人人亦無責焉

莊子

史為霽威嚴

魏相傳

溫顏和辭承上接下無所失意

韓王傳互

入溫粹

臣生與人無分爭

漢武紀

粲然有文以相接驩然有

恩以相愛

漢書

鄭當時與官屬言若恐傷之

本傳

卓茂自束

髮至白首與人未嘗有爭競

通鑑漢光武紀

性惟遲緩與人無

傷

後漢孔融傳

夷粹無競

唐書沈傳師傳

樂廣性沖約清遠與物無

競

通鑑晉惠紀

集溫渥浹輿隸

顏延年詩

陽和熙熙貯在顏間

睦其仲李

施及鄉黨 含光不曜煦物如春

劉賓客

尊已者敬之如

臣事君下已者慈之如母畜子敵已者友之如兄弟無

不得志者也

柳文

意氣自春生

高達夫

本朝不立異以為高不逆情以干譽

歐文

趙清獻公為人

和易與人言如恐傷之

東坡撰神道碑

樂易向人無不可

蘇子由文

拍拍滿懷俱是春

邵堯夫

和睦

經宜兄宜弟

伯氏吹塤仲氏吹篪

雖雖喈喈妻

子好合如鼓瑟琴兄弟既翕和樂且湛宜爾室家樂爾

妻孥

詩互入閨門

父子篤兄弟睦夫婦和家之肥也睦於

父母之黨

禮記

史是謂鳳凰于飛和鳴鏘鏘

左

萬石君居家子孫申申

僮僕訢訢

西漢石奮傳

魏楊播及弟椿津家世孝友總服同

爨男女百口無間言

通鑑梁高祖紀

崔氏四世總麻同爨

唐書

崇文七世不異居開元中再表其閭

唐書本傳

元暉三世不

異居家人怡怡如也

本傳

集項簣鳴自合

杜詩

本朝劉君良累代義居尺布斗粟無私焉

續世說

和光同塵

經不惟好異

書

在彼無惡在此無斁

無怨無惡

詩

君

子行禮不求變俗

毀方而瓦合

去已之大圭角與人小合也

修其

教不易其俗齊其政不易其宜

禮記

無可無不可

在邦

無怨在家無怨

麻冕禮也今也純儉吾從衆

鳥獸

不可與同羣吾非斯人之徒與而誰與

論語



子柳下惠不羞汙君不辭小官雖袒裼裸裎於我側爾

焉能浼我哉魯人獵較孔子亦獵較子孟和其光同其

塵

子老

與物委蛇而同其波

聖人處物不傷物不傷物

者物亦不能傷也唯無所傷者為能與人相將迎子莊人

知所惡者吾亦惡之子荀

史聖人與衆同欲是以濟事

左成六年

子產曰求逞於人不

可與人同欲盡濟

左昭四年

袁盎病免居家與閭里浮沈相

隨行

史記袁盎傳

將相調和則士豫附

史記陸賈傳

無乖刺之心

西漢杜欽傳

不夷不惠可否之間聖賢居身之所珍也

通鑑漢瑒

紀

卓茂曰人生焉能高飛遠走不在人間耶

東漢本傳

無彼

此於人

通鑑晉武紀

集聖人不凝滯於物而能與世推移衆人皆濁何不渥其泥而揚其波衆人皆醉何不鋪其糟而飲其醪何故

深思高舉自令放為

楚辭史記本傳云何故懷瑜握瑾

與一世同其波

流而悔吝不生

稽叔夜書

時無間言

陳子昂集

含光混世貴無名

何用孤高比雲月

李白集

隨時仕其卷舒與物同其波流

王駱賓願為同社人雞黍燕春秋不為崖岸斬絕之行

文韓忍汙雜隳譁恭其體貌遜其言辭柳文虬龍未化時

魚鼈同一波孟東眼看人盡醉何忍獨為醒王無患和

得衆司空圖文或慮雷同何傷瓦合白傳集

本朝借君拍板與門槌我也逢場作戲東坡集物有圭角

刺人眼目亦易玷缺故君子處世常渾然天成則人不

厭棄矣龜山語錄

與時高下

經損益盈虛與時偕行 時止則止時行則行 時有

泰否用有行藏易國有道其言足以興國無道其默足

以容中庸君子之於禮也有直而行也有曲而殺也 道

隆則從而隆道汙則從而汙禮記邦有道危行危行邦無

道危行言孫 君子哉蘧伯玉邦有道則仕邦無道則

可卷而懷之 甯武子邦有道則知邦無道則愚論語

子時詘則詘時伸則伸荀子

史晏平仲在朝君語及之則危言語不及之則危行國

有道則順命無道則衡命以此三世顯名於諸侯

史記本傳

君子得其時則駕不得其時則蓬累而行

史記老子傳

乘流

則逝兮得坎則止

一作坻史記賈生傳

從容浮湛與時俯仰

西漢司馬

遷傳王戎作吏部與時浮沈

晉書

集孔隨時而行藏蘧與國而卷舒

潘安仁西征賦

伸屈須為蠖

窮通莫問龜

白樂天集互入委順

因俗為禮人用愛戴

唐文粹

### 委曲

經其次致曲曲能有誠

中庸

子川雖曲而動諸海塗雖曲而通諸夏

楊子

史河千里而一曲

公羊

傳記孟嘗君每與客坐語屏風後常有侍史主記所與

客語知其親戚居處客去後使謝餽無所遺失

春秋後序

集情深禮至款密重複

劉賓客集

本朝右尹子革因墳典而道祈招之詩左師觸龍語饁

粥而及長安之質古之聖賢欲行其意必有以曲成

之未嘗直情而徑行也

東坡集

絕物

經我聞其聲不見其身

詩

子訑訑之聲音顏色距人於千里之外 是絕物也

孟子

史趙禹為吏以來舍無食客公卿相造請禹終不行報

謝務在絕知賓友客之請孤立行一意而已

西漢本傳

鄧崇

為人矜潔自貴於人少所與

東漢本傳

立異

經好人之所惡惡人之所好

大學

子吾聞言於接輿大有逕庭不近人情

莊子

史諸勢在已之右必陵之士在已之左愈貧賤尤益敬

與鈞

史記灌夫傳

舛忤膠戾乖刺

劉向傳師古曰志意不和各相違背

趙禹孤

立行一意而已

西漢本傳上互入絕物

嚴延年為河南守衆人言

當死者一朝出之言當生者詭殺之

前漢

違時絕俗為激

詭之行

東漢范丹傳

沈懷文素不飲酒又不好戲調謝莊常

戒懷文曰卿每與人異亦何可久懷文曰吾少來如此

豈可一朝而變非欲異物性所得也

通鑑宋世祖

阮瞻素執



無鬼論物莫能難

晉書本傳

集異質忌處羣孤芳難寄林

韓集互入微戒

冰雪之交衆表我

締滄暑之鏢衆從之風而我從之火

柳文

本朝夫面垢不忘洗衣垢不忘澣此人之至情也今也不然衣臣虜之衣食犬彘之食囚首喪面而談詩書豈

其情也哉

老蘇辨姦論

恭敬

經德盛不狎侮

出入起居固有不欽

書

侍坐於所尊

敬無餘席 侍坐於先生先生問焉終則對 先生與

之言則對不與之言則趨而退 讓食不唾 揖人必

違其位 侍坐於長者屢不上於堂 長者舉未酬少

者不敢飲 君子之容舒遲見所尊者齊邀謙貌也 君子

莊敬日強 執輕如不克 執虛如執盈入虛如有人

互見謹畏

賓客主恭祭祀主敬

禮記

孔子於鄉黨恂恂如也似

不能言者其在宗廟朝廷便便言唯謹爾入公門鞠躬

如也如不容過位色勃如也足躩如也其言似不足者

攝齊升堂鞠躬如也屏氣似不息者 恭則不侮 雖

蔬食菜羹瓜祭必齊如也 出門如見大賓使民如承

大祭 有子曰恭近於禮遠耻辱也 子見齊衰者冕

衣裳者與瞽者見之雖少必作過之必趨

論語

子朝廷不歷位而相與言不踰階而相與揖也

孟子 孺

曲拳人臣之禮也

莊子

史秦哀公賦無衣楚申包胥九頓首而坐

左定

管寧五

十未嘗箕踞榻上

後漢

傳記昔禹見耕者耦立而式過十室之邑則下

大戴禮

陵犯

史溫季位於七人之下而求掩其上

左傳

華門圭竇之人

而皆陵其上其難為上矣

左襄十

無禮而好陵人怙富而

卑其上

子產曰子皙上大夫女嬖大夫而弗下之不

尊貴也幼而不忘不事長也

左昭元

石蜡曰少陵長

左隱四

犯則陵人

前漢五行志

甯成好氣為小吏必陵其長吏

前漢本傳

丞相田蚡召客飲坐其兄蓋侯北向自坐東向以為漢

相尊不可以兄故私撓

前漢本傳互見恃勢

苻堅曰怒其室而作

色於其父其桓溫之謂矣

通鑑簡文紀互見遷怒

周嵩常飲酒瞋

目謂兄顗曰君才不及弟何橫得重名以所然蠟燭投

之顗曰阿奴火攻固出下策耳

晉書

蕭琛嘗預御筵醉伏

上以棗投琛琛乃取棗擲上中面曰陛下投臣以赤心

臣敢報之戰栗

梁書

李義府典選專以賣官為事上頗聞

之謂義府曰卿子及壻頗不謹多以非法義府勃然變

色頸頰俱張曰誰告陛下上曰但我言如是何必就我

索其所從得耶

通鑑唐高宗

韋貽範同平章事屢以大杯獻

上不即持貽範舉杯直上頤

通鑑唐昭宗

傲慢

經胡遊我梁不入我門

詩互見貴人

原壤夷俟

論語

子嘑爾而與之蹴爾而與之

過我門而不入我室

孟子

互見貴人

自得如山忽人如草

金樓子

史偃蹇

左哀二

朱買臣見湯湯坐牀上丞史遇買臣弗為

禮

張湯傳

沛公至高陽見酈食其入即長揖不拜曰足下

必欲聚徒合兵誅無道秦不宜踞見長者

漢書

灌夫罵坐

不敬汲黯為人性倨少禮

西漢本傳

蕭望之意嘗輕丙吉

遇丞相禮節倨慢

通鑑漢宣紀

禰衡尚氣剛傲好矯時慢物

始達潁川乃陰懷一刺既而無所之適至於刺字漫滅

東漢本傳互見尚氣

何曾陰駕人物鄉閭疾之如讐永嘉之末何

氏滅亡無遺焉

晉書互見取禍

劉孝綽仗氣負才多所陵忽每

於朝集會同處公卿間無所與語反呼騶卒問道途間

事

南史宋書本傳

謝萬矜豪傲物但以嘯詠自高未嘗撫衆兄

安深憂之謂萬汝為元帥宜數接對諸將以悅其心豈

有傲誕如此而能濟事也萬乃召集諸將一無所言直

以如意指四座云諸將皆勁卒諸將益恨之

通鑑晉  
哀帝紀

蕭

子明為吏部尚書性凝簡負才氣見九流賓客不與交

言但舉扇一揮而已衣冠切恨之

梁書

張昌齡詣闕獻頌

太宗召試因謂之曰昔禰衡潘岳皆恃才傲物以至隕

命汝才不減二賢宜追鑒前轍

唐書本傳  
互見取禍

厲色慢辭

唐書

杜甫常醉登嚴武牀瞪視曰嚴挺之乃有此兒

新唐書  
本傳



傳記王澄常之荊州送者傾邑所別樹上有鵲巢澄便

脫衣著犢鼻上樹探鵲鷄而弄之傍若無人

晉書互見放蕩類

王子猷作桓溫參軍桓謂王曰卿在府久當相料理王

不答直高視手版拄頰云西山朝來頗有爽氣鍾會

見嵇康旁若無人移時不交一言

世說蕭穎士恃才傲物

撫言

集出山揖牧伯長笑輕衣簪

李白

傲雖凶德必有恃而敢

行

韓文釋言互見恃勢

本朝目視飛鴻氣如橫蜺 酷吏姚紹之意岸軒傲

帖

侮玩

經狎侮君子固以盡人心 玩物喪志

書

簡兮簡兮詩

史陳平貧或問平何肥其嫂疾之曰食糠覈耳

西漢本傳

上

慢侮士

西漢張良傳

王霸至市中募人擊王郎市人皆大笑

舉手擲掄之霸慙遽而反

通鑑漢光武紀

智者於羣愚如弄一

丸於掌上

通鑑魏郡陵厲公紀互見愚弄

上好狎侮羣臣自太宰義恭

以下不免穢辱常呼金紫光祿大夫王玄謨為老傖僕

射劉秀之為老慳顏師伯為齟其餘短長肥瘦皆有稱

目

通鑑  
宋紀

王導常枕周顗膝指其腹曰卿此中何所有也

答曰此中空洞無物然足容卿輩數百人

晉書周  
顗傳

崔俊

竊言文襄帝為黃口小兒

北史崔  
俊傳

杜伏威遺陳稜

隋書  
稜傳

人之服以激怒之

唐書

傳記諸葛亮致巾幘婦人之飾以侮司馬懿

魏氏  
春秋

智伯

戲康子而侮段規君子謂其一言而侮人之君相難將

至矣

本傳

愚弄

子宋人養猿號曰狙公欲與狙芋先詐之曰朝三而暮四衆狙皆怒又詐曰朝四而暮三衆狙皆喜聖人以智籠愚亦如狙公欺狙也

子列

史張儀說楚王曰大王誠能聽臣閉關絕約於齊臣請

獻商於之地六百里

通鑑周紀

嚙然陽應

西漢韓信傳

湯舜智以

御人

張湯傳

如嬰兒在股掌之上

東漢袁紹傳

唐高祖與李密

書曰所望右提左挈戮力同心執子嬰於咸陽殪商辛

於牧野

通鑑隋恭紀互見同功共事

傳記虎得一狐狐曰天令我長百獸見我無不走虎以

為然隨而行獸見之皆走虎不知獸畏已而畏狐也

劉向

新序桓溫自以雄姿颯氣是司馬宣王劉越石一輩得一

巧作老婢乃是劉越石妓女見溫既入潛然而哭泣溫

問其故曰官家甚似劉司空溫大悅即出外修整衣冠

又入呼問我何處似司空婢曰眼甚似恨小面甚似恨

薄鬚甚似恨赤形甚似恨短聲甚似恨雌宣武於是弛

冠解帶不覺惛然而睡不怡者數日

語林

畏謹

經履錯然故之无咎 藉用白茅无咎子曰苟錯諸地而可矣藉之用茅何咎之有慎之至也 无有師保如

臨父母

括囊无咎无譽盖言謹也

易

夙夜惟寅

居

寵思危罔不惟畏

怵惕惟厲中夜以興思免厥愆

書

夙夜匪懈以事一人

小心翼翼

謂天盖高不敢不

局謂地盖厚不敢不踏

戰戰兢兢如臨深淵如履薄

冰 溫恭朝夕執事有恪 不敢暴虎不敢馮河 凡

百君子各敬爾身 溫溫恭人如集于木惴惴小心如

臨于谷戰戰兢兢如履薄冰詩 執虛如執盈入虛如有

人 擇日月以見君 入境而問禁入國而問俗入門

而問諱 君子戒慎不失色於人 若有疾風迅雷甚

雨則必變雖夜必興衣服冠而坐 君言不宿於家禮記

子之所慎齊戰疾 君命召不俟駕行矣論語

子言有招禍也行有招辱也君子其慎所立乎荀子

史蕭曹文吏自愛

史記漢高紀

內行彌謹

武帝紀

劉辟彊子德

妻死大將軍光欲以女妻之德不敢取畏盛滿也

漢楚元王

孔光沐日歸休兄弟妻子燕語終不及朝省政事或問

光溫室省中樹皆何木也光嘿不應

西漢本傳

洞洞屬屬小

心畏忌

濟濟謹畏無敖戲驕恣之過

谷永本傳

石建為郎

中令奏事建讀之驚恐曰書馬者與尾而五

服虔曰作馬字下曲

者而五建時上書誤作四師古曰馬字下曲者曰尾并四點為四足凡五

今乃四不足一獲

譴死矣其為謹慎雖他皆如是

西漢本傳

霍光出入禁闥二



十餘年出則奉車入侍左右小心謹慎未嘗有過為人

沈靜詳審每出入下殿門止進有常處郎僕射竊識視

之不失尺寸

通鑑漢武紀

金日磾在上左右目不忤視者數

十年賜出宮女不敢近上欲內其女後宮不肯其篤謹

如此上斤斤謹質形於體貌

後吳漢傳斤音靳

闔門自守退無

私交

三國魏志賈詡傳

吳左大司馬朱然內行修潔終日欽欽

常若在戰場

通鑑魏郡陵公紀

文子曰不為福始不為禍終

魏明

紀

殷浩雖被放黜口無怨言

晉書本傳

口不論世事

西晉王衍傳

陳顯達自以門寒位重遷官常有愧懼之色戒其子勿

以富貴陵人

通鑑  
齊紀

李大亮身居三職宿衛兩宮恭儉忠

謹每宿直必坐寐達旦

通鑑  
唐太宗

岑文本拜中書令有憂

色母問之答曰非勲非舊責重位高所以憂也有來慶

者輒曰今日受弔不受賀

唐書  
本傳

苗晉卿潞州壺關人為

太守嘗入壺關望縣門輒步曰公門當下况父母邦乎

時美其恭

唐書  
互見恭  
敬鄉里門

陸贄在奉天小心精潔未嘗有

過由是帝親倚至解衣衣之同類莫敢望

新唐書  
本傳

傳記千仞之牆禍不入門

職林

成回學於子路恭敬不已

子路問其故對曰臣聞之行者比於鳥上畏鷹鷂下畏

羅網夫人為善者少為讒者多若身不死安知禍罪不

施

說苑

集保身勅行不蹈有過之地

吳季重牋

臨事若祭視人若嬰

陳子昂集

三緘謹禍胎

駱賓王

避權如避虎

元稹集

眼見心知不

敢言

白侍郎

省中之樹訪猶不言車前之馬數而後對

張九

齡傳躬雖已安若敵鋒鏑味雖以甘若含冰蘖

皮日休

安危

機鍵之語默不出口

杜牧之

本朝身閒曷不長閉口天寒正好深藏手閉口豈非

福

東坡

僭冒

經管仲鑊簋朱紘山節藻稅君子以為濫矣庭燎之

設由齊桓公始也大夫之奏肆夏由趙文子始也公

廟之設於私家由三桓始也冕弁兵革藏於私家非

禮也是謂脅君大夫具官祭器不假聲樂皆具非禮

也是為亂國 朝服之以縞也 自李康子始也

禮記

子曰

邦君樹塞門 管氏亦樹塞門 邦君為兩君之好 有反玷

管氏亦有反玷 孔子謂季氏八佾舞於庭 三家者

以雍徹 臧文仲居蔡山節藻梲 何如其知也

論語

史衣服禮秩如適

左莊八

商賈棄堅策肥履絲曳縞

前漢食貨

志秦陽以田農而甲一州 翁伯以販脂而傾縣 邑張氏

以膏醬而踰侈 質氏以洒削而鼎食 濁氏以胃脯而連

騎 張里以馬醫而擊鐘 皆越法矣

前貨殖傳

杜陵翁仲出入

蒼頭盧兒傳呼甚寵

前漢

今民賣僮者為之繡衣絲履偏

諸緣內之閑中是古天子后服所以廟而不宴者也而

庶人得以衣婢妾白縠之表薄紈之裏綈以偏諸美者

黼繡是古天子之服今富人大賈嘉會召客者以被牆

古者以奉一帝一后而節適今庶人屋壁得為帝服倡

優下賤得為后飾且帝之身自衣皂綈而富民牆屋被

文繡天子之后以緣其領庶人嬖妾緣其履

前賈誼傳

奢泰

則下不遜而國貧

前禮樂志互見奢侈

陶侃媵妾數千家僮數千

珍奇寶玩富於天府

晉書本傳

楊素貴寵家僮數千後庭妓

妾曳綺羅者以千數第宅華侈制擬宮室

隋書本傳

安祿山

起第既成具幄帟器皿充牣其中有帖白檀牀二皆闊丈六尺銀瓶脫屏風帳一方一丈八尺於厨廐之物皆飾以金銀金飯甕二銀淘盆二皆受五斗織銀絲筐及棊簫各一他物稱是雖禁中服御之物殆不如也上每為祿山賜物常戒之曰胡眼大勿令笑我祿山入新第置酒乞降墨勅請宰相至第是日上欲於樓下擊毬遽

為罷戲命宰相赴之

通鑑唐  
玄宗

王殷每出入侍者數百人

殷請量給鎧仗以備巡邏帝難之帝疾殷入起居遂執

殺之

通鑑後  
周太祖

傳記唐王元寶以金銀疊為屋以銅線穿錢梵花徑中

泥雨不滑時名為富窟

開元  
通事

正直

經柳下惠曰直道而事人馬往而不三黜

論語

子黔婁先生死被短露足孔子及門人見之謂其妻曰



斜而覆足之其妻曰寧使正之不足不可斜之有餘

孔家

語

孝子不諛其親忠臣不諂其君

莊子

身之所長上雖不

知不以悖君身之所短上雖不知不以取賞長短不飾

以情自竭若是則可謂直士矣

荀子

史孔父正色而立於朝則人莫敢過而致難於其君者

孔父可謂義形於色矣

春秋公羊傳

孔子曰叔向古之遺直

也治國制刑不隱於親

左昭十四

外舉不隱仇內舉不隱子

史晉世家為人峭直

西漢晁錯傳

義形於色

班固敘傳

鞠躬履方

馮奉世傳

師古曰踐正直之道也

汲黯曰天子置公卿輔弼之臣寧令從諛

承意陷主於不義乎 汲黯面折不能容人之過合已

者善待之不合者弗能忍見

本傳

龔遂為昌邑王郎中令

面刺王過王至掩耳起走曰郎中令善愧人

本傳

忠果正

直志懷霜雪

東漢  
楊衡

邢峙以經入授太子峙方正有儒者

風厨卒進太子食菜有邪蒿峙令去之曰此菜有不正

之名非殿下宜食

北史

柳或正直之士國之龜寶

隋書

唐令

則為太子勇所昵狎每令以絃歌教內人右庶子劉行

本責之曰庶子當輔太子以正道何有取媚於房帷之

間哉令則甚慙而不能改

通鑑隋高祖紀

武三思嘗以事屬宋

璟璟正色拒之曰今太后既復子明辟王當以侯就第

何得尚干朝政獨不見產祿之事乎

唐中宗

正人一心事

君無待於助

李德裕傳互見端介

張昌宗恐太后一日晏駕為魏

元忠引張說賂以美官使證元忠說許之宋璟謂說曰

名義至重鬼神難欺不可黨邪害正以求苟免若獲罪

流竄其榮多矣若事有不測璟當叩閣力爭與子同死

努力為之萬代瞻仰在此舉也

通鑑武后紀

集桂枝生自直

在公正色

選

直如朱絲繩

鮑明遠白頭吟

然如斷山絕巘不可以斜逕造焉

穆員鄭叔則誌

以直道吹日

月之翳以正道立天地之根

皮日休集

抗危言而無所避東

大節而不可奪

唐文粹

本朝朝罷人人識鄭崇直聲猶在履聲中

東坡詩

姦邪

經反道敗德

鴟義姦宄奪攘矯虔

書

子大姦之人以泣自信孔叢反是獨立此小人之桀雄也

荀子

史掩義隱賊好行凶德醜類惡物頑嚚不友是與比周

謂之渾敦

注謂驢兒左文十八

包藏禍心

左昭元

左右賣國反覆之

臣

蘇秦傳

秦太子之妃曰華陽夫人無子夏姬生子異人

異人質於趙趙人不禮之異人以庶孽孫質於諸侯車

乘進用不饒居處困不得志陽翟大賈呂不韋適邯鄲

見之曰此奇貨可居乃往見異人說曰吾能大子之門

異人笑曰且自大君之門不韋曰子不知也吾門待子  
門而大能立適嗣者獨華陽夫人耳不韋雖貧請以千  
金為子西遊立子為嗣乃西見華陽夫人之姊而以奇  
物獻於夫人因譽子異人之賢以夫人為天夫人喜不  
韋因使其姊說夫人曰夫以色事人者色衰則愛弛今  
夫人愛而無子不以繁華時早自結於諸子中賢孝者  
舉以為適即色衰愛弛雖欲開一言尚可得乎夫人以  
為然棄間問於太子曰願得子異人立以為嗣以託妾

身太子許之與夫人刻玉符約以為嗣

通鑑周紀

不仁而多

材國之患也

西漢翟方進傳

張禹姦人之雄

杜欽傳

諸葛豐之於

堪猛前譽而後毀其志非為朝廷進善而去姦也欲比

周求進而已矣

通鑑漢元帝紀

孫寵息夫躬姦人之雄

漢成帝紀

偽以要譽釣奇以驚俗不食君祿而爭屠沽之利不受

小官而規卿相之位名與實反心與跡違

漢殤帝紀

覘視朝

政鳥聲獸心私共鳴呼

漢靈帝紀

曹操作銅爵臺於鄴操下

令曰孤始於譙東築精舍欲秋夏讀書冬春射獵為二

十年規待天下清乃出仕耳然不能得如意徵為典軍校尉意遂更欲為國家討賊立功使題墓道言漢故征西將軍曹侯之墓其志也而遭董卓之難興舉義兵復領兗州破降黃巾三十萬衆又討擊素術使窮沮而死摧破袁紹梟其二子復定劉表遂平天下身為宰相人臣之貴已極意望已過矣設使國家無有孤不知當幾人稱帝幾人稱王或者人見孤強盛恐妄相忖度言不遜之志每用耿耿故為諸君陳道此言皆肝鬲之要也



然欲孤便爾委捐所典兵要實不可也何者誠恐以離  
兵為人所禍已敗則國家傾危是以不得慕虛名而處  
實禍也

漢獻帝紀

李勝出為荊州刺史過辭太傅懿令兩侍

婢持衣衣落指口言渴婢進粥懿不持盃而飲粥皆流  
出霑曾勝曰衆情謂明公舊風發動何意尊體乃爾懿  
使聲氣纔屬說年老枕疾死在旦夕君當屈并州近好  
為之備恐不復相見以子師昭兄弟為託勝曰忝荊州  
懿乃錯亂曰君方到并州勝復曰當忝荊州懿曰年老

意荒不解君言勝退告曹爽曰司馬公尸居餘氣形神

已離不足慮矣故爽等不復設備

魏郡陵厲公紀

王衍曰荊州

有江漢之固青州有負海之險卿二人在外而吾居中

足以為三虛矣

晉紀

安祿山傾巧善事人人多譽之蠖

屈鼠伏佞辭泉湧

通鑑玄宗

李訓所獎拔率皆狂險之士然

亦取天下重望以順人心如裴度令狐楚鄭覃皆累朝

俊彥為當路所軋置之散地訓皆引居崇秩

唐文宗

邪人

必更為黨以相欺蔽

李德裕傳互見朋比

德宗謂李勉曰衆謂盧

杞姦邪朕故不知勉曰天下皆知而陛下不知此所以

為姦邪也

李勉傳

黃門侍郎裴矩知必將有亂雖廝役皆

厚遇之及亂作賊皆曰非裴黃門之罪故得免

通鑑唐紀

其

姦足以亡隋其智足以佐唐姦人多才能與時而成敗

也

唐封倫裴矩贊

牛僧孺曰帝王立法束縛姦邪

唐書

傳記曹操習噉野葛多飲鴆酒

博物志

曹操嘗云我眠中

不可妄近近便斫人亦不自覺左右宜深慎此後陽眠所幸一人竊以被覆之因便斫殺自爾每眠左右莫敢

近者

世說

集大姦者材必有過於衆而能自媚於上

王符論

大則有

鯨有鯢小則為梟為獍非玉燭之能調豈璿璣之能正

信庾蛛絲小人態曲綴瓜果中

杜甫

掩人以自售近名以冒

進欺謾於言說沓合於求取狎比其瑣細媒孽其僚友

矯激以賣直詰譎以取容

劉賓客

以曲為形以邪為質以

仁為凶以僭為吉以淫諛諂誣為族類以中正和平為

罪疾以通行直遂為顛蹶以逆施反鬪為安佚譖下謾

上恒其心術妬人之能幸人之失

柳文罵尸蟲

包藏禍心素

懷梟獍之性彰露凶德思發豺狼之聲

白樂天

善柔成性

佞媚為心

包狼心發蠱毒

舞智以固權張詐以聾

上

文粹

本朝曹操夜卧枕圓鼓噉野葛至尺許鳩酒至一盞操之負人多矣恐人報已故先揚此聲以誑時人使之無

害已意也

元城語錄

狡猾

經彼狡童兮

詩

析言破律亂名改作

禮記

史無助狡猾

左昭二  
十六

共一老秃翁何為首鼠兩端

史灌  
夫傳

張湯內懷詐心以御主外挾賊吏以為重

西漢汲  
黯傳

朱安

世曰南山之竹不足受我辭斜谷之木不足為我械

公孫

賀張嶷以狡妄為猾伯

晉書

李密狡猾好反

通鑑唐  
高祖

張鎬

言許叔冀狡猾多詐

唐肅  
宗

傳記馮諼謁孟嘗君曰狡兔有三窟

戰國策

集忿戎王之淫狡

文選

獬狔鋒協好亂樂禍

陳琳  
檄

# 公平

經雲行雨施天下平也 君子裒多益寡稱物平施

易

鴈鳩在桑其子七兮淑人君子其儀一分

注云鴈鳩之養其子朝從

上下暮從下上平均如一

周道如砥其直如矢君子所履小人所視

詩

大道之行也天下為公

禮記

子曰唯仁者能好人能惡

人

論語

子天之道高者抑之下者舉之有餘者損之不足者補

之

老子權不能多少其數衡不能輕重其量

管子

怒不過奪

喜不過予 不下比以閭上不上同以疾下分爭於中  
不以私害之若是則可謂公士矣 君子用公平之道  
故能百事無過荀子人之不事衡石者非負廉而遠利也  
石不能為人多少衡不能為人輕重求索不能故人不  
事也韓子衡之於左右無私輕重故可以為平繩之於內  
外無私曲直故可以為正人主之於用法無私好憎故  
可以為命 春雨之灌萬物也泮然而流沛然而施無  
地而不注無物而不生 無所好憎平之至也

淮南子



史砥節首公

西漢王尊傳

衡者所以平萬物也

律歷志

董仲舒

曰天有所分予予之齒者去其角傳其翼者兩其足

本傳

賞不避仇讎罰不擇骨肉

西漢據此之公

無私如天地

賈誼

傳

賞不遺遠罰不阿近爵不可以無功得刑不可以貴

勢免

習鑿齒曰

諸葛亮之使廖立垂泣李嚴致死豈

徒無怨言而已哉夫水至平而邪者取法鑑至明而醜

者忘怒水鑑之所以能窮物而無怒者以其無私也

魏明

帝紀

吾心如秤不能為人作輕重

蜀諸葛亮傳

王弘曰劉粹無

私必無憂也

南史宋高祖紀

劉子翼性剛直朋友有過常面責

之李百藥常稱劉四雖復罵人人終不恨上謂房玄

齡曰為政莫若至公昔諸葛亮竄廖立李嚴於南夷亮

卒而立嚴皆悲泣有死者非至公能如是乎

通鑑唐太宗

集七子均養者鴈鳩之仁也

曹子建文集

靈輝朝覲稱物納

照

選連珠

不別荊棘者慶雲之惠也

賁躬詩表

澤無不漸螻蟻

之穴靡遺

選昭王碑

大國置衡鏡準平天地心

李白集

天布寒

張蘊古

若懸衡然增之銖兩則俯反是則仰無可私者

文粹

公道世間惟白髮貴人頭上不曾饒

杜牧之

### 無心

經子曰君子之於天下也無適也無莫也

論語

子有人方舟而濟於河有虛船來觸舟雖有褊心之人  
不怒復讎者不折鎔干雖有忮心者不怨飄瓦至  
人之用心若鏡不將不迎獨不見夫桔槔者乎引之  
則俯捨之則仰彼人之所引非引人者也故俯仰而不

得罪於人

莊子

夫投鈎分財投策分馬非以鈎策為均使

得美者不知所以德得惡者不知所以怨

慎子

高山深林

非為虎豹也大木茂枝非為飛禽也

淮南子

鎡鋸不為巧

者銳而為拙者鈍

飄瓦擊人虛舟觸已雖有忤心而

不怨者以彼無情於擊觸也 嬰兒傷人而被傷者不

以為怨

劉子

史利不在身以之謀事則智慮不私已以之斷義必厲

漢東

傳記明鏡之照物也妍媸必露不以毛嫱之面或有疵  
瑕而寢其鑒也虛室之傳響也清濁必聞不以絛駒之  
歌時有誤曲而輟其應也

史通

集雲無心而出岫

陶淵明辭

懸鏡待人

駱賓王

草不樹榮於春

風木不怨落於秋天

李白

鏡懸肝膽露

元稹集

楚雲淡無心

劉長卿

本朝發達萬物而天下不以為德摧敗草木而天下不  
以為怒泥上偶然留指爪鴻飛那復記東西譬如

止水之在盤豈復勞心於鑒物

東坡

譬如鴈過長空影沈

寒水鴈無留蹤之意水無涵影之心

天衣  
禪師

若鑑之照

物妍媸在彼隨物以應之

明道  
語錄

記纂淵海卷四十六

欽定四庫全書

記纂淵海卷四十七

宋 潘自牧 撰

性行部

私意

經愛惡相攻

易

人莫知其子之惡

大學互入  
昧於知子

各親其親

各子其子貨力為已

以功為已

禮記

愛之欲其生惡之

欲其死

論語

子兩喜必多溢美之言兩怒必多溢惡之言

莊子

伯樂教

其憎者相千里馬教其愛者相駑馬以千里馬世一有

其利少駑馬多其利多韓子鬻棺者欲民之疾病也畜粟

者欲歲之荒饑也淮南子人各是其所是非其所非揚子

史同罪異罰左傳二十八年何必瘠魯以肥杞襄公二十九年論大道

則先黃老而後六經序遊俠則退處士而進姦雄述貨

殖則崇勢利而羞貧賤此其所蔽也司馬遷贊張湯居二千

石所愛者撓法活之所憎者曲法滅之漢書託公報私杜欽

傳所欲活則傳生議所欲陷則予死比通鑑漢紀所好則



鑽皮出其毛羽所惡則洗垢求其癰痕

東漢趙壹傳

或問倫

有私乎對曰昔人有與千里馬者吾雖不受每三公有所選舉心亦不能忘而亦終不用吾兄子病一夜十往返而安寢吾子有疾雖不省視而竟夕不眠若是豈可

謂無私乎

第五倫傳  
互見無隱

昔留侯以為高祖悉用蕭曹故人

郭汲亦議南陽多顯

二十八  
將傳論

陳壽父為馬謖參軍謖為

諸葛亮所誅壽父亦坐髡諸葛瞻又輕壽壽為亮立傳云將畧非長無應敵之才言瞻惟工書名過其實議不

以此少之

晉書陳壽傳

庾亮出居外鎮而執朝廷之權王導

內不能平常遇西風塵起舉扇自蔽徐曰元規塵汙人

王導傳

宋元嘉時江東王謝諸族方盛北人晚度者朝廷

悉以倉荒遇之雖復人才可施皆不得踐清塗

通鑑宋紀

崔

浩曰文士褒貶多過其實

南史宋高祖紀

毀譽由己憎惡任情

北史

李德裕節制劔南西川吐蕃將悉怛謀以城降德裕

既得之即發兵以守且陳出師之利牛僧孺居中沮其

功命返於虜德裕終身以為恨

唐書李德裕傳又牛僧孺傳云羣臣請如李德

裕策又云時皆謂僧孺橫議

王洪義為侍御史於鄉里求瓜瓜主拒

之洪義狀言瓜園有白兔縣官捕逐園苗盡矣

唐酷吏傳

不

知仁義不分枉直惟利是嗜得賂則譽監跖為賢良拂

意則毀龔黃為貪暴能用傾巧之智構成疑似之端

通鑑

唐憲宗

武三思曰但於我善者則為善人於我惡者則為

惡人耳

唐書

積忤生憎積順生愛

唐睿宗紀

情有愛憎憎者惟

見其惡愛者止見其善

唐魏徵傳

李振舉進士不中深疾縉

紳之士言於金忠曰此輩嘗自謂清流宜投之黃河永

為濁流

唐昭宗紀

王福時有子勔劇皆著才名福時嘗託韓

思彥戲曰君有譽兒癖

唐書

孔循罵曰天下事一則任圜

二則任圜圜乃何人

五代史仕圜傳

傳記談經者惡聞服杜之嗤論史者憎言班馬之失

史通

劉禹錫謁李德裕曰曾得白居易文集否德裕曰吾於

此人不足久矣其章何必覽焉

北夢瑣言

傅毅之於班固伯

仲之間耳而固小之

典論

集人之情莫不欲耀其所能而黨其所近苟將得志則

必快其所蘊

微之集

曲木忌日影

孟東野

本朝小篆之法自秦李斯斯之相秦焚棄典籍遂欲滅

先王之法而至已之所作則為萬世不可朽之計何其

愚哉

歐公集

怒移水中蟹愛及屋上烏

東坡

私於家者隔牆

樊而分比鄰私於己者隔形骸而分爾汝

諸儒鳴道集

廉潔

子焉有君子而可以貨取乎 一介不以取諸人

孟廉子

士重名

莊子

廉者常樂無求

文中子

史潔白而不受汙

公羊莊二十四年注

子罕曰我以不貪為寶

左襄

十以不賄聞於諸侯

昭公二十八年

廉如伯夷義不為孤竹君

之嗣不肯為武王臣不受封侯而餓死首陽山下

史蘇秦傳

秋毫無所犯

淮陰傳

終廣之身為二千石四十餘年家無

餘財終不言家產事

李廣傳

廉士寡欲易足

漢景帝紀

志懷霜

雪

穢衡傳

使馬如羊不以入廄使金如粟不以入懷

漢簡帝紀

張劉寵為會稽太守召為將作大匠老叟齎百錢送寵

寵為人選一大錢

本傳

孔奮在姑臧力行清潔為衆人所

笑或以為身處脂膏不能以自潤被召奮無資單車就

路

本傳

孟嘗遷合浦太守郡出珠寶先時宰守並多貪穢

委人採求不知紀極珠漸徙於交趾郡界嘗到官革易

前弊求民病利未踰歲去珠復還

本傳互見陰驅默化

東鄉君卒

公私咸謂貨財宜歸二女田宅僮役應屬弘微一無所

取

宋太祖紀東鄉君者謝混妻弘微謝混之從子也

楊震性廉子孫常蔬食步

行或令開產業震曰使後世稱為清白吏子孫以此遺

之不亦厚乎

東漢本傳互見貽後

胡質薨無餘財惟有賜衣書篋

而已

魏志

王衍口未嘗言錢

晉書王衍傳

崔洪口不言貨財手

不執珠玉

晉書本傳

鄧攸為吳郡太守載米之郡不受俸祿

惟飲吳水而已

晉書

清節為百城表

南史樂法才

甄彬常以一

束苧向長沙寺庫質錢後贖苧還於苧束中得五兩金

以手巾裹之彬得送還寺庫道人大驚云近有人以此

金質錢時有事不得舉而失檀越乃能見還輒以金半

仰酬往復十餘彬堅然不受曰五月披羊裘而負薪豈

拾遺金者

南史陳紀本傳

別駕在官水火不與百姓交

北史趙軌傳



蘇瓊為清河太守郡人趙穎五月中得新瓜一雙自來

奉告請遂為留乃致於廳事梁上人聞受趙穎瓜欲貢

新果聞瓜猶在相顧而去

本傳

李勉為嶺南節度使居官

久未嘗文飾器用車服後召歸至石門盡搜家人所蓄

犀珍投江中時人謂可繼盧奐宋璟李朝隱

唐書

裴寬義

不以苞苴汙家有人以鹿為餉寬瘞之

本傳

杜暹為婺州

參軍秩滿歸吏以紙贐之暹為受百番

本傳

盧懷慎薨家

無餘蓄惟一老蒼頭請自鬻以辦喪事

唐書

盧柳玘為

嶺南節度副使解中橘熟既食乃納直於官蕭倣為嶺南節度使家人病取槁梅於厨以和劑倣知趣市還之歷官有素絲之節居家無疋帛之餘

並唐書

傳記延陵李子適齊見路有遺金有披裘而薪者李子呼薪者取彼地金薪者曰吾當夏五月披裘而薪豈取金者哉

吳越春秋

胡威父質為荊州威自京都省之告歸臨

辭賜其絹一疋為道路糧威曰大人清高不審於何得

此絹質曰是吾俸之餘故以與汝耳

晉陽秋

周鎮罷臨川

丞相王導曰胡威之清何以過此

世說

厲飲冰之節

白氏六帖

廉者不受嗟來之食

列女傳

居家終始廉白祇入俸錢者

雖歷大官亦無厚蓄以傳

李翱作盧坦傳

集食不媮而為飽兮衣不苟而為溫

楚辭互見端介

清如玉壺

冰

鮑明遠詩

千尋見底清

李白集

徹底心清水共虛

江水秋

正深清見萬文底

元稹

公之北歸不載南物奴婢之籍不

增一人

韓文

憂民亦似清吟苦守節還如未達貧

方雄飛詩

脂

膏莫潤圭玉無瑕

李義山文

外示貞潔內含澄徹無染塵能

保其素不納汙能全其潔比玉而白不為蠅黠比月而

明不為蟾缺劉長卿欲知清與潔明月在澄灣波澄水

更清劉義冰壺照人鯁介絕倫唐文粹清越而瑕不自揜潔

白而物莫能汙劉賓客脂膏有戒冰蘖自規李義山清能律

貪夫白集

本朝官清馬骨高歐公詩話王質所至有冰蘖聲王質墓誌官清

貧似舊藥城隋趙軌為齊州別駕文帝令入朝父老將送

者各揮涕曰公清如水請酌一杯水奉餞續世說寇萊公

歷富貴四十年無田宅園邸魏野獻詩曰有官居鼎鼐

無地起樓臺

湘山野錄

貪汙

經具乃貝玉 惟貨其吉

書

子非其有而取之者盜也

孟子

侵人自用謂之貪

莊子

貪者

常憂不足

文中子

貪者難為惠

譙子清訓  
互見無厭

史臧哀伯曰官之失德寵賂章也部鼎在廟章孰甚焉

左成  
二年

羊舌鮒瀆貨無厭

昭十

陳轅頗為司徒賦封曰以

嫁公女有餘以為已大器

哀十一

汝專利而不厭

互見無厭並左

必以賄死

國語

趙良曰非其位而居之曰貪位非其名而

有之曰貪名

史商鞅傳

貪如狼

西漢項籍傳

大臣有不廉曰蠹蠹

不飭

賈誼傳

貪饕不閑義理

禮樂志

素無廉聲

息夫躬傳

貪夫徇

財

賈誼傳

陳湯素貪所鹵獲財物入塞多不法

通鑑漢元帝紀

韋

貽範為相多受人賂許以官既而以母憂罷去日為債

家所譟

唐書昭宗紀

諸將多斷盜牢粟私自潤入皆以珍寶

貨賂左右

漢瑒帝紀

十囊五囊入棗郎

晉愍帝紀

陳壽作魏書或

云丁儀丁廙有盛名於魏壽謂其子可覓千斛米當為

尊公作佳傳丁不與之竟不為立傳

傳本

庾炳之無文學

性彊急輕淺既居選部好詬詈賓客且多納貨賂見人

有燭盤佳驢無不乞丐

傳本

鄧琬性鄙闇貪吝既執大權

父子賣官鬻爵使婢僕出市道販賣

宋太祖

魏右衛將軍

元暉與侍中盧昶皆有寵於魏主而貪縱時人謂之餓

虎將軍飢鷹侍中暉尋遷吏部尚書用官皆有定價大

郡二千疋次郡下郡遞減其半餘官皆有等差選者謂

之市曹

梁武紀

元修義為吏部尚書惟事貨賄官之大小

皆有定價呼為京師白刼

後魏書

魏收納爾朱榮之子金

減其惡而增其善

北史

宇文述貪鄙知人有珍異之物必

求取之富商大賈皆恩接之呼之為兒

隋書

盧坦曰其能

積財者必剥下以致如其子孫善守是天富不道之人

也不若恣其不道以歸於人

新唐書本傳

王伾以納賄為事

作大匱貯金帛夫婦寢其上

通鑑互見俞迷

平章事豆盧革百

官俸錢皆折估而革父子獨受實錢百官自五月給而



革父子自正月給

唐明宗

桑維翰權勢既盛四方賂遺歲

積鉅萬

五代史

西京留守同平章事王守恩性貪鄙專事

聚斂喪車非輸錢不得出城下至扃廁行丐之人不免

課率或縱麾下令盜人財有富室娶婦守恩與俳優數

人往為賀客得銀數鉅而返

通鑑後漢隱帝

集谿壑為之一罄川瀆為之中貧

左太沖吳都賦

交疇貨賂

選孫

皓書貪黷微財敢犯朝憲

富已潤屋

陳子昂集

索奸瀆貨

司空

表聖文

儉約

經節以制度不傷財不害民

易

慎乃儉德

書

儉德之恭

也禮唐俗勤儉

詩序

史御孫曰儉德之共也

左莊二十四

鄭叔段賦蟋蟀趙孟曰

保家之主也

襄公二十七年

李文子無衣帛之妾無食粟之馬

無藏金玉無重器備相三君矣而無私積

襄公五年

衣不兼

采食不重味

西漢朱家傳

朱博不好酒色游宴自微賤至富

貴食不重味

本傳

朕為天下守財豈得妄用之哉

通鑑漢成帝紀

魏高允兄弟惟草屋數間而被緼袍厨中鹽菜而已

宋世

祖長孫道生性清儉一熊皮鄣泥數十年不易

宋太祖

庾

杲之清貧食惟有韭薤生韭雜菜任昉戲之曰誰為庾

郎貧食常有二十七種言三九也

齊書

昔楊震趙咨等咸

以薄塋知真識去身貴速朽耳夫厚塋之家流於俗以

奢靡為孝令死者戮尸暴骸可不痛哉死者無知自同

糞土豈煩奢塋死其有知神不在柩何用破貲徇侈乎

吾亡斂以常服四時衣各一稱

新唐書  
姚崇傳

崔郾處庠陋至

霖淖則容蓋而履以就外位 盧懷慎門不施箔會風

雨至舉席自鄧日晏設食蒸豆兩器菜數杯而已

本傳

本朝寇萊公寢處一青幃二十餘年時有破壞益命補

葺有靳之笑答曰不忍處之久而以敝棄

本傳互見念舊

### 奢侈

經怙侈滅義

書

子情所欲好耳所欲聽目所欲視口所欲嘗雖殊方偏國非土之所產育者無不致之猶藩牆之物也庖厨之

下不絕煙火堂廡之上不絕聲樂

列子

史官室崇侈

左昭八

侈惡之大也

左莊二

齊慶封獻車季

武子美澤可以鑑

左襄二

侈將以其力斃

左襄二

治宅

甲諸第

前田蚡傳

奢泰則下不遜而國貧

西漢禮樂志互見僭冒

以酒

為池懸肉為林

史記殷本紀

春申君客三千餘人其上客皆

躡珠履

史本傳

易傳曰上不儉下不節孽火燒其室

通鑑魏明

帝紀

劉穆之性奢食必方丈旦輒為十人饌未嘗獨餐

晉安

帝紀

何曾性奢豪每燕見不食大官所設食曰萬錢猶曰

無下筵處 何邵驕奢簡貴亦有父風食必盡四時之

珍異一日之供以錢二萬為限晉本傳石崇以奢豪矜物

廁上常有十餘婢侍列皆有容色置甲煎粉沈香汁有

如廁者皆易新衣而出王敦傳劉寔嘗詣石崇家如廁見

有絳紋帳裯褥甚麗兩婢持香囊寔便退笑謂崇誤入

卿內崇曰是廁耳本傳石崇與貴戚王愷羊琇之徒以奢

靡相尚愷以粘澳釜崇以蠟代薪愷作朱絲步障四十

里崇作錦步障五十里以敵之崇塗屋以椒愷用赤石

脂 石崇財產豐積室宇宏麗後房百數皆曳綺繡金

翠絲竹盡當時之選庖膳窮水陸之珍

本傳

魏高陽王雍

一食直錢數萬李崇曰高陽一食敵我千日

通鑑梁武紀

韋

陟窮治饌羞擇膏腴地執穀苗以鳥羽擇米每視庖中所棄其直猶不減萬錢宴公侯家雖極水陸曾不下筋

唐書

本傳

傳記楊國忠子弟上元夜各有千炬燭圍

天寶遺事

李德裕

奢侈每食一杯羹其費約錢三萬雜珠玉寶貝朱砂煎

汁為之過三煎即棄其滓

獨異志

元載造芸輝堂芸草香

也白如玉入土不朽為屑以塗壁設紫綃帳凝冬風不

入盛夏自清涼

唐蘇鶚蘇氏演義

韓嫣好彈以金為丸一日所

失者十餘長安為之語苦飢寒逐彈丸京師兒童每聞

嫣出彈輒隨之望丸所落便拾取焉

西京雜記

楊氏子弟暑

月大冰琢山周圍宴席

楊國忠冬月選婢妾肥大者

列行於前令遮風謂之肉陣

開元遺事

集木衣綿繡土被朱紫

張平子東京賦

春衣一對直千金

白侍郎



山珍海錯棄藩籬烹犢魚羔如折葵

韋應物

首飾戴千金

一膳傾千家

唐文粹

忠鯁

經王臣蹇蹇匪躬之故

易

子忠臣不諂其君

莊子

史韓信曰乘人之車者載人之患衣人之衣者懷人之

憂食人之食者死人之事

史本傳

上所幸慎夫人在禁中

嘗與皇后同席坐及坐郎署袁盎引却慎夫人坐曰陛

下所以為慎夫人適所以禍之也

通鑑漢紀

忠臣不避重誅

而直諫

西漢主父偃傳

忠臣蒙死而竭

宣帝紀

獨有極言待死

五行志

忠臣憂世犯主嚴顏譏刺貴臣至以殺身滅家而

猶為之者何耶君臣義重有不得已也

後漢何敞傳

漢成帝

欲御樓船薛廣德諫言宜從橋陛下不聽臣臣自刎以

血汚車輪

本傳

槐里令朱雲上書曰臣願賜尚方斬馬劍

斷佞臣一人頭以厲其餘上問誰也對曰安昌侯張禹

上大怒曰小臣廷辱師傅罪死不赦御史將雲下雲攀

殿檻折呼曰臣得下從龍逢比干遊於地下足矣未知

聖朝何如耳御史遂將雲去左將軍辛慶忌免冠解印

綬叩頭殿下曰此臣素著狂直於世使其言是不可誅

其言非固當容之臣敢以死爭慶忌叩頭流血上意解

然後得已

通鑑漢成帝紀

大司徒韓歆好直言無隱諱於上前

證歲將饑凶指天畫地言甚剛切

通鑑漢光武紀

衛覲上疏曰

非破家為國殺身成君者誰能犯顏色觸忌諱建一言

開一說也

魏志

崔洪清厲骨鯁好面折人過而退無後言

通鑑晉  
武紀

古弼入見魏主帝方與給事中劉樹園棊志不

在弼弼入侍坐良久不獲陳聞忽起梓樹頭掣下牀搏

其背曰朝廷不治實爾之罪

通鑑宋  
太祖

上以舞胡安叱奴

為散騎侍郎禮部尚書李綱諫曰古者樂工不與士齒

雖賢如子野師襄皆終身繼世不易其業唯齊末封曹

妙達為王安馬駒為開府有國家者以為殷鑒

唐高祖

魏

徵容貌不逾中人而有膽畧善回人主意每犯顏苦諫

或逢上怒甚徵神色不移上亦為之霽威

唐太宗

褚遂良

曰陛下必欲易皇后伏請妙擇天下令族何必欲武氏

武氏經事先帝衆所共知天下耳目安可蔽也

唐高宗

帝謂羣臣曰如高允者乃真忠臣也朕有過未嘗不面

言至有朕所不堪聞者允皆無所避朕聞其過而天下

不知可不謂忠乎

宋世祖

額叩龍墀

唐書劉栖楚

德宗欲遂相

裴延齡陽城顯語曰延齡為相吾當取白麻壞之哭於

廷帝不相延齡城力也

陽城傳

褚遂良鯁亮

唐書本傳

集悉心以諫極言無隱

選策文

正言不諱以危身

選騷經氣

蘊逆鱗色形匪躬

唐文粹

守節沒齒忠莫至焉

選豪士賦序

納

忠為爭臣之表

盧景亮奏事如水赴壑

文粹

匡拂時病

磨切貴近罔有顧慮知無不為

杜牧之

為負剛腸譽還進

強項名

張說

諫舌切切上磨帝缺

孫樵

苦隳肝膽而言天下

之事

元微之

忤英主之龍鱗蹈姦臣之虎尾

唐張說

宋環遺愛碑

本朝魯宗道為參政以忠鯁自任時人謂曰魚頭公蓋

以骨鯁目之

聖宋援遺

諂諛

經巧言令色便僻側媚書蘧蔭嘗觀人顏色而為之辭

故不能俯戚施下人以色故不能仰也詩新巧言令

色鮮矣仁論語蘧蔭口柔也夸毗體柔也爾雅

子脅肩諂笑病于夏畦 閹然媚於世者是鄉原也孟子

秦王有病召醫舐痔者得車五乘 希意導言謂之諂

莊子不度理之所在而阿諛求容諂莫甚焉孔叢子以不善

先人者謂之諂以不善和人者謂之諛荀子

史楚析父謂子革曰吾子楚國之望也今與王言如響

國其若之何

譏其順王心如響  
應聲左昭十二

陳勝起山東二世召諸

生問叔孫通曰此特羣盜狗偷鼠竊耳何足置之齒牙

間郡守尉今捕論何足憂

史本傳

卑疵而前纖趨而言者

傳

非有材能徒以婉佞貴幸

佞幸傳

衛侯言計非是而羣

臣和者如出一口夫不察事之是非而悅人讚已闇莫

甚焉不度理之所在而阿諛求容諂莫甚焉

通鑑周紀  
互見阿諛

黃霸為相鵠雀飛丞相府霸以為神雀欲以聞

西漢傳

面汙行以事諂諛之人

鄒陽傳

順旨為邪

平恩侯許伯



入第丞相御史將軍中二千石皆賀長信少府檀長卿

起舞為沐猴與狗鬪從諛承意以順上旨宦媚邪

臣欲以僥倖翟方進傳司馬長卿居茂陵未死時為一卷書

曰有使來求書奏之其遺札書言封禪事司馬相如傳卑身

賤體說色微辭愉愉啍啍志士仁人不忍為也東方朔傳

辭諂媚東漢潘岳與石崇諂事賈謐每候其出與崇輒望

塵而拜晉潘岳傳司馬昭封晉王荀顗謂王祥曰相國尊重

今日便當相帥而拜王祥傳有二孔雀自西苑飛集寶城

朝堂前親衛校尉高德孺等十餘人見之奏以為鷹

通鑑

隋紀如脂如韋俯僂匍匐噉惡求媚舐痔自親美言諂笑

助其愉樂詐泣佞哀恤其喪紀

盧思勞生論

張昌宗以姿媚

倖武后楊再思每曰人言六郎似蓮花非也正謂蓮花

似六郎耳

唐書楊再思傳

唐明皇將幸東都而太廟屋壞姚崇

曰此苻堅故殿也山有朽壤而崩木蠹而折理無足怪

本傳太史令袁充表稱隋興以後晝日漸長景短日長振

古希有是後百工作役並皆程課日長故也

通鑑

互觀顏

面多不盡公

唐太宗

太常博士蕭楚材等以為豫備凶事

非臣子所宜言敬宗義府深然之遂焚國恤一篇由是

凶禮遂闕

唐高宗

太子洗馬劉訥言嘗撰俳諧集以獻太

子賢上謂侍臣曰朕嘗虛心求諫而竟無諫者何也

李勣對曰陛下所為盡善羣臣無得而諫御醫沈高

瑒得幸於太后懷義心愠是夕密燒天堂延及明堂劉

承慶請輟朝停酺以答天譴太后將從之姚璿曰昔成

周宣榭卜代愈隆漢武建章盛德彌永

唐武后

楊再思為

御史專以諂媚取容張同休戲再思曰楊內史面似高麗再思欣然即翦紙帖巾反披紫袍為高麗舞舉坐大笑宮中言皇后衣笥裙上有五色雲起上令圖以示

百官韋巨源請布之天下

唐中宗

薛謙光獻武后所製豫

州鼎銘其末云上玄降鑒方建隆基以為上受命之符

姚崇表賀請宣示史官頒示中外李適之性疎率李

林甫常謂適之曰華山有金礦採之可以富國主上未

之知也他日適之因奏事言之上以問林甫對曰臣久

知之但華山陛下本命王氣所在鑒之非宜故不敢言  
上以林甫為愛已薄適之慮事不熟謂曰自今奏事宜  
先與林甫議之無得輕脫適之由是束手矣唐書太清宮

奏學士李琪見玄元皇帝乘紫雲告以國祚延昌唐玄宗

上嘗謂佛言報應果為有無元載等以國家運祚靈長  
非宿植福業何以致之福業已定雖時有小災終不能  
為害所以安史悖逆方熾而皆有子禍僕固懷恩稱兵  
內侮出門病死回紇吐蕃大舉深入不戰而退此皆非

人力所及豈得言無報應也

唐代宗

李兼在江西有月進

韋臯在西川有日進刺史進奉自兼始幕僚進奉自臯

始

唐德宗

上御延英問宰相曰天下何時當太平牛僧孺

對曰太平無象今四夷不至交侵百姓不至流散雖非

至理亦為小康陛下若別求太平非臣等所及

唐文宗

蝗

自東而西蔽日所過赤地京兆尹楊知至奏蝗入京畿

不食稼皆抱荆棘而死宰臣皆賀

唐懿宗

太史奏太陽應

虧不虧姚崇表賀請書之史冊

唐玄宗

傳記談主上之聖明則君盡三五述宰相之英偉則臣

皆二八

史通

集踰踰諛夫

選風諫詩

折枝舐痔

選絕交論

吐言如傷屈體無骨

梁張繡謝僕射表

入門自媚

駱賓王

諂媚相與千顏一容元次山為

人患口而柔顏

奴顏婢膝真乞丐

陸龜蒙

小人趨事必

變顏色

唐文粹

本朝寇萊公為相丁謂出其門為參政會食都堂羹飢

公鬚謂起拂之

遺事

俯仰隨人如桔槔

東坡詩

中宗宴近臣

祝欽明自請作八風舞搖頭轉目備諸醜態 則天不  
豫令閭朝隱往少室山祈禱朝隱乃曲申悅媚以身為  
犧牲請代上所苦 魏元忠疾卧諸御史盡往省之郭  
霸獨居後請視便液曰大夫糞味甘或不瘳今味苦當  
即愈矣 蠮屈鼠伏佞辭泉湧

續世說

記纂淵海卷四十七